



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ioannis Tritemii Tractatvs De Sacerdotvm Vita Recte
Institvenda**

Trithemius, Johannes

Coloniæ Agrippinæ, 1655

De Lectione & Studio Scripturarum. Caput IV.

[urn:nbn:de:hbz:466:1-46533](#)

90 DE SACERD. VITA
oscula , & amplexus hujusmodi
(idem prorsus judicium est de aliis
contactibus) propter libidinosam
delectationem fiunt, consequens est,
quod sint peccata mortalia. Quid
formidabilius dici debet ? Hinc eti-
am S. Hieronymus lib. 1. cont : Io-
vin. concitatè dicit : Tactus autem
alienorum corporum , & fæmina-
rum ardenter appetitus, vicus in-
faniæ est. Imò infania ipsa.

*De Lectione & Studio Scri-
pturarum.*

C A P U T I V.

I. **S**ciò & expertus sum , quod
efficacissimum contra om-
nes tentationes remedium, est
studium , & lectio scriptura-
rum. Dicit enim beatus Hiero-
nymus : Ama scientiam scri-
ptura-

pturarum , & carnis vitia non
amabis. Sola enim scriptura est,
quæ nobis cœleste promittit
in tribulatione remedium. *A.*
Quid de superna patria scire
vel credere poterimus , si scri-
pturas non habemus ? Dicit
namque Apostolus : Omnis
scriptura divinitus inspirata est,
ut per patientiam & consola-
tionem scripturarum spem ha-
beamus.

*I*dcirco moneo te , ut stu-
dium sanctorum scripturarum
assumas in hujus peregrinatio-
nis solatium : quoniam si in le-
ctione earum fueris assiduus ,
facile mundum contemnes ,
cum universis vanitatibus ejus.
B. Nihil enim sic mentem à so-
licitudine vana ad superna ele-

2.

E 5 vat,

vat , nihil sic carnis incendia sedat , quomodo sedulitas sacræ lectionis. Denique officio tuo studium maximè congruit, dicente Malachia : Labia Sacerdotis custodiunt scientiam, & legem requirent ex ore ejus, quia nuncius Domini exercituum est.

3. Nam , sicut paulò antè diximus , oportet Sacerdotem Christi , doctum esse in lege divina, ut sciat & sit, unde proferat sermonem. C. Qui enim suscepit animas regere , pro quibus summo judici Deo rationem redditurus est , necesse habet multa legere & intelligere. Enimverò sicut dixit Magnus ille Gregorius Nazianzenus , & post eum Papa Romanus:

C A P V T I V . 93

nus : Ars artium est regimen animarum.

Qui autem nihil in Scripturis sanctis didicit, quid alios docebit? Aut quam in prædicando Sacerdos utilitatem auditoribus suis afferre poterit, qui scripturas nescit? Væ nunc temporibus nostris, in quibus est sicut populus, sic Sacerdos. D. Studium scripturarum Sacerdotes nostri abjiciunt, eruditionem negligunt, pro libris scripturarum, aves & canes enutriunt.

Viderint Episcopi, E. qui tales idiotas & inscios ad Sacerdotii dignitatem promovent, qui imperitis pastoribus curam ovium Christi commendant. Recede de consortio eorum,

E 6 qui

4.

5.

94 DE SACERD. VITA

qui scientiam abjiciunt , qui lectionem scripturarum negligunt , qui studium contemnunt.

6. Nihil aliud ; quam mundanum sapiunt , nihil quam vanum diligunt, nihil nisi carnale intelligunt. *F.* Citò subvertent te , si in conventum eorum frequenter transieris. Scendent in insidiis , cum potatoriis *G.* in tabernis , ludis & commissationibus vacant : non est timor *D E I* ante oculos eorum.

7. Irascuntur , si quis coram eis loqui de scripturis cœperit, audire lectionem dedignantur, ad fabulas autem convertuntur. *H.* Quid tibi & illis ? Nonne Sacerdotes sunt conuersatione asini?

C A P V T I V . 95

asini? Nihil penitus de scripturis intelligunt, discere contemnunt.

Romanâ linguâ scribere vel
loqui nesciunt, *I.* vix in vul-
gari exponere Euangelia didi-
cerunt. Quantos errores, fabu-
las & hæreses in Ecclesia præ-
dicando populis enuncient,
quis nisi expertus credere pos-
set? Pro libris sibi liberos com-
parant, pro studio concubinas
amant. Isti sunt cæci & duces
cæcorum, qui populum Dei
ad justitiam non erudiunt, sed
potius seducunt.

O Quot pauperes Christia-
ni in rure habitant, *K.* qui ob
ignorantiam suorum Sacerdo-
tum quid Christianum deceat,
ignorant. Inter hæc nemo est;

E 7 qui

96 DE SACERD. VITA

qui animadverat , nemo qui
periculum animarum doleat ,
nemo qui remedium apponat.
Omnes quæ terræ sunt , sa-
piunt, omnes sua quærunt, om-
nes ad lucra currunt.

io. Sed quid ista ad nos ? Unus-
quisque suo Domino stat aut
cadit. Et quamvis ad me non
pertineat ista corrigere , non
possum tamen non dolere , vi-
dens omne malum in Ecclesia
ex ignorantia L. Sacerdotum
procedere. Quis enim non
doleat illos mandata nescire ,
qui constituti sunt alios in-
struere ?

ii. Ecce nulla in ordinandis Sa-
cerdotibus scientia quæritur ,
non vocati accedere permit-
tuntur, nunquam vita ordinan-
dorum,

dorum , ut in primis oportuerat , discutitur. Propterea populus Christianus funibus peccatorum captivus abducitur , concordia fraternæ dilectionis violatur.

Sacerdotes nostri mundanis 12. cupiditatibus effluunt , corrigerere vitiosos non præsumunt : quia se deliquisse in majoribus agnoscunt. Pauci etenim sunt , qui moribus sanctis in Ecclesia nunc fulgeant , pauci scientiam scripturarum amant , pauci commissum sibi gregem verbo & exemplo debitè informant.

Nec mirum , si minores vaccent à studio scripturarum , cum inter Prælatos paucos invenias , qui veterum exemplis inhærent. Eliguntur enim ut pluri-

98. DE SACERD. VITA

plurimum non doctiores, sed ad congregandas divitias perituras avidiores. Codices scripturarum aut nulos habent, aut paucos, quippe qui odio scientiam persequuntur. Nihil adeò Ecclesiasticam dignitatem minuit, *M.* & contemptibilem reddit, sicut ignorantia Prælatorum.

14. Cum olim Episcopi, Abbaties, ac cæteri Prælati & Sacerdotes animum scripturis intenderent, non tam facilis criminibus & peccatis aditus patet. Amor etenim ac scientia scripturarum, mundum docent contemnere, vitia fugere, virtutes sacratissimas amare.

15. Quamdiu populus Israeliticus permanxit in lege Domini, nulla

nulla prævaluit contra eos po-
testas inimici. At postquam le-
gis scientiam abjecit , multis
adversitatibus subditus fuit. Di-
cit enim scriptura : Quoniam
non habuerunt sapientiam ,
perierunt propter suam insi-
pientiam. N.

Hodie quoque Sacerdotes , 16.
Ecclesiarumque Rectores in
magno numero sunt, sed pauci
eorum scientiam legis & scri-
pturarum advertunt. Et quia
(sicut Dominus per Prophe-
tam loquitur) Sacerdotes no-
titiam legis abjecerunt , pro-
pterea contemptibiles in po-
pulo facti sunt.

Clament quidem in tribula-
tione ad Dominum , sed non
exaudit eos : quoniam qui a-
ver-

100 DE SACERD.VITA

vertit aures suas ne audiat legem , oratio ejus erit execrabilis. Non ergo mirentur Sacerdotes , quod contemnunt laici , quoniam ipsi spernunt mandata Christi. Timeo autem vehementer,in brevi contra clerum graviora futura. Sed de his haec tenus.

18. Tu vero , non quid alii faciant , sed quid tibi sit facendum , considera. Multi enim ad Sacerdotium in Ecclesia Dei vocati sunt , pauci vero electi. Summopere igitur curandum nobis est , ut qui in sortem Domini asciscimur , etiam eligamur. Quid prodest hic Sacerdotio brevissimotempore fungi , si separari contingat à conspectu D e i?

Nihil

C A P V T I V . 101

Nihil ergo melius , quam in 19.
cœlestibus desiderium figere ,
sacræ lectionis studio insistere ,
præsentia pro D . E I amore
spernere , futura cogitare . Hinc
Petrus in aurora dicit : Nil
homini melius , quam si divi-
na legendo , figat ibi mentem ,
quo sibi vita venit . Legendis
itaque scripturis , continuum
studium impendendum est :
quia lectio alit mentem , & fo-
menta ministrat virtutibus .

Ut ergo precium temporis 20.
non amittas , sacras legitimæ scri-
pturas , scribe libros , devotis
orationibus insta , suis tempo-
ribus etiam manibus labora .
Non erubescas discere , quod
ignoras : quia tunc alios pote-
ris utiliter instruere , si à do-
ctiori-

102 DE SACERD. VITA

Etioribus semper petas informari. Non te pudeat nomen subire discipuli, o. si pertinere cupias ad honorem magisterii. Spiritus etenim sanctus, qui docet hominem scientiam, humilitatis amator est.

21. Quando sedes ad mensam P. ut cibum capias, prius saceris literis insonandum memineris, quatenus dum caro paescitur, mens suo alimento minime defraudetur. In Toletno quippe Concilio ita legitur: Pro reverentia D E I & Sacerdotum, id universa constituit Synodus, ut quia solent crebro mensis ociosæ fabulæ interponi, in omni Sacerdotali convivio lectio divinarum scripturarum misceatur. Per hoc

hoc enim & animæ ædificantur ad bonum , & fabulæ non de necessitate prohibentur.

Verbum enim Dei , esca spiritus est : quia non in solo pane vivit homo , sed in omni verbo , quod procedit de ore Dei. Maximam antiqui patres & Sacerdotes diligentiam scripturis sanctis impen- derunt , ut & mentem salubriter pascerent , & posteri- tati ad eruditionem utilia pro- viderent. Istorum vestigiis in- hæreamus , Q. ut digni coram D E O ministri inveniri merea- mur.

Notæ.

Notæ.

A. CÆleste promittit in tribulatio-
 ne remedium) Quid enim est
 scriptura, inquit S. Gregorius l. 4.
 ep: 40. nisi quædam Epistola Om-
 nipotentis Dei ad creaturam suam?

B. Cum universis vanitatibus eius)
 Ad hoc enim solum Deus per to-
 tam nobis S. Scripturam loquitur,
 sive quia intellectum mentis erudit,
 sive quia à mundi vanitatibus ab-
 stractum hominem ad amorem Dei
 perducit; S. Isidorus de summo bo-
 no l. 3. c. 8.

C. Ut sciat, & sit, unde proferat
 Sermonem) Addit S. Dionylius ep.
 8. ad Demophilum, si Sacerdotum
 ordo illustrandi vim habet (uti ha-
 bere ex officio suo deberet) profe-
 ctò penitus abhorret à Sacerdotum
 ordine, atque facultate is, qui illu-
 stratus non est, nempe, per frequen-
 tem SS. Scripturarum lectionem.

D. In quibus est, sicut populus, sic
 Sacer-

C A P V T I V . 105

Sacerdos) Quod certè (ait Gravissimus scriptor Petrus Sotus lect. 1. de scientia Sacerdotum necessaria) sumnum malum est , cum eo veniatur , ut nihilo doctior , nihilo sanctior sit Sacerdos , quam populus. Assurgamus ergo ad legis Dei studia, ad salutarem quærendam scientiam , eamque imprimis à vero Dei timore , ab illustratione ejus , à lectione sacra petamus.

E. Viderint Episcopi, qui tales Idiotas promovent) Sanctus Antoninus in summa p. 3. refert de S. Leone Papa , quod per 40. dies oranti ad sepulchrum S. Petri, ut hujus intercessione dimitterentur sibi peccata sua , apparuerit ei S. Apostolus dicens ; oravi pro te , & dimissa sunt tibi peccata tua , præterquam impositionis manuum : hoc enim à te solum requiritur sive bene, sive fortassis aliter egeris : hoc , addit Alphonsus de Torres , intelligendum est , non quoad culpam , sed quoad poenam,

106 DE SACERD. VITA

poenam, quod ista tunc nondum dimissa sit.

F. Nihil nisi carnale intelligunt) Videant ergo pastores, & caveant qui ita parochiis inhiant, & fruuntur, non ut animas querant, sed se ipsos, ac suos pascant, non ut pauperum inopiæ succurrant, sed ut facultates cumulent, non ut Deo, sed propriæ inserviant commoditatibus consideretur etiam diligenter textus Ezechieli cap. 34.

G. Sedent in insidiis cum potatoribus) Clerici, ordinis sui memores, homines leves, viles, in quibus nihil singularis pietatis, & Christianæ Virtutis elucet, quo possint studio, effugere debent.

H. Ad fabulas autem convertuntur) Has dudum prohibuit S. Paulus Timotheo à se constituto Episcopo, ep. i. cap. 4. Ineptas, inquit, & aniles fabulas devitam: quam enim hoc indecorum, & supra modum reprehensibile sit: Dei verbum comment-

C A P V T I V .

107

mentis, & jocis s̄æpe valde illiberalibus de honestari? idque nullo apud auditores Spirituali fructu , sed potius ingenti apud quosvis prudentes scandalo.

I. *Romanâ linguâ scribere, vel loqui nesciunt*) Imò frequenter nec rectè quidem latinè legere norunt , unde necessario fit , ut in cultu divino & Sacramentorum ejus administratio- ne , intolerabiles errores commit- tantur , non raro etiam noxii , & cum periculo , ne sanctissimæ hæ- res , quæ in latina lingua præscri- buntur, invalidè adhibeantur.

K. *Quod pauperes Christiani in ru- re habitant*) Cura hæc , ut doctrina Cathechistica à parochis diligenter tradatur, etiam Patres Concilii Tri- dentini sollicitos habuit , hinc eam notanter præcipiunt sess. 24. c. 7. de Refor. & peculiariter ut ea, quæ in sacrificio Missæ geruntur verna- cula lingua s̄æpius explicitur , tra- dit sess. 22. c. 7. de sacrif: missæ.

F Con-

308 DE SACERD. VITA

Confundent nos in Judicio hæretici nostri temporis , qui mirabiliter indefessi & negotiosi sunt , in Catechesi suorum errorum inculcanda , non solum balbutientibus pueris , puellisque , sed etiam majoribus natu.

L. Videns omne malum in Ecclesiæ ex ignorantia) Deplorarunt hoc omnes cordati Catholici , perniciosissimis hæresibus ex Pastorum præcipue ignorantia & vecordia bipartitatem januam apertam fuisse , lachrymas suas addit Zelosissimus Sotus lect. i. nihil , inclamat , perniciosius Ecclesiæ quam ignorantia in Ministris ejus , &c. quod ibi pluribus gravissimè prosequitur.

M. Nihil adeò Ecclesiasticam dignitatem) Audiamus denuo Sotum eadem lect: quod , ait iste , cum ante oculos videamus , subsannantibus hæreticis , atque irridentibus Sacerdotii Ecclesiastici dignitatem , cur in aliam causam hoc referimus ,
quam

A C A P V T I V . 109

quam in socordiam nostram ? ob
quam ita punimur , ut etiam pro-
pter nos nomen ipsum Dei blasphe-
metur, non quidem inter gentes, sed
inter baptizatos ipsos.

*N. Non te pudeat nomen subire di-
scipuli)* Idem sensus est saepius jam
laudati Soti in ead: lect: hæc , in-
quit, Sacerdotibus necessaria scien-
tia, non potest plenè & convenien-
ter haberi solâ privatâ apud se le-
ctione , sed necessaria est diligens
auscultatio Doctorum, studium, me-
ditatio, humilis interrogatio, & in-
quisitio , ut scilicet Exemplo Chri-
sti , quo plenè instrui cupit, sedeat
in medio Doctorum , audiens illos,
& interrogans , similiter etiam re-
spondens.

*O. Perierunt propter suam inspien-
tiam)* Cum enim Sacerdotii Maje-
stas, atque dignitas passim apud ple-
bem , non aliam ob causam , quam
propter multorum Ecclesiastico-
rum hominum levem , scurrilem ,

F 2 incon-

110 DE SACERD. VITA

inconcinnam, & pænè abominabilē vitam, obsorduerit, viluerit, & propemodum conciderit, operæ pretium, imò necessarium fuerit, nos tandem è somno exergisci.

P. *Quando sedes ad mensam*) Quod ex Concilio Toletano, celebrato sub Pelagio II. Anno 589. circa lectionem, dum cibus capitur, intermissionem auctor allegat, instrumentum etiam est decreto Gratiani dist. 44. c. pro reverentia; quod in pluribus aliis conciliis præscribitur: deque ea, tanquam re valde necessaria & utili, alii Pontifices, & SS. Patres frequenter mentionem faciunt.

Q. *Istorum vestigiis inhæreamus*) Vos enim, ex S. Augustino, presbyteri nosse debetis & sæpe meminisse, quia nos, quibus regendarum animarum cura commissa est, pro his, qui nostrâ negligentia pereunt, rationem reddituri sumus: pro his vero, quos verbis & Exemplis lucrati

C A P V T V . III

crati fuerimus , premium æternæ vi-
tæ percipiemos.

*De Avaritia & Cupiditate
fugienda.*

C A P U T V .

QUAMQUAM in principio 1.
sermonis nostri contra a-
varitiam & cupiditatem dispu-
taverimus , certâ nihilominus
ratione ducimur , ut etiam in
hoc loco de hac ipsa re iterum
eloquamur. Nunquam enim
satis contra hoc vitium agitur,
nisi cum funditus extirpatur.

Sciens autem Salvator no-
ster , quam difficile sit divitem
intrare in regnum Dei , sequen-
tibus se dixit : Nisi quis renun-
ciaverit omnibus quæ possi-
det ,